

MAPPA

Multi Agency Public Protection Arrangements

MAPPA Dyfed-Powys



Adroddiad Blynyddol 2021-22

Cyflwyniad

Mae'n bleser gennym gyflwyno Adroddiad Blynyddol MAPPA 2021/22 Bwrdd Rheoli Strategol Trefniadau Amlasiantaethol ar gyfer Amddiffyn y Cyhoedd Dyfed-Powys.

Mae 2022 wedi bod yn flwyddyn o ddatblygiadau a newid i MAPPA. Wrth i ni barhau i ail-afael ar bethau yn dilyn pandemig COVID-19, mae llwyddiant ac effeithiolrwydd MAPPA yn amlwg i'w weld, ac mae hyn yn dyst i ymrwymiad ac ymroddiad pob asiantaeth i sicrhau bod ein cymunedau'n cael eu hamddiffyn rhag niwed.

Mae'r adroddiad hwn yn amlinellu'r gwaith y mae'r Bwrdd Rheoli Strategol wedi'i wneud i wella effeithiolrwydd MAPPA yn ystod y flwyddyn wrth reoli unigolion sydd wedi'u hasesu fel y rhai sy'n peri risg o niwed difrifol. Hefyd, mae'r adroddiad hwn yn gyfle i ni arddangos lefel ein hatebolrwydd i'r cymunedau lleol yr ydym yn eu gwasanaethu.

Mae amddiffyn y cyhoedd a dioddefwyr trosedd wrth wraidd beth mae Awdurdod Cyfrifol MAPPA (yr Heddlu, y Carchardai a'r Gwasanaeth Prawf) yn ceisio cyflawni. Mae popeth rydym yn ei wneud yn canolbwyntio ar sicrhau diogelwch parhaus ein cymunedau. Cefnogir hyn gan gyfraniad gwerthfawr y Ddyletswydd i Gydweithredu ac asiantaethau eraill. Canran fechan o'r holl droseddau y mae'r pedwar heddlu yng Nghymru yn delio â nhw yw troseddau rhywiol a threisgar. Fodd bynnag, mae'r troseddau hyn yn cael effaith ddinistriol ar y dioddefwyr a'r cymunedau. Mae'r adroddiad hwn yn rhoi sicrwydd i aelodau'r cyhoedd bod yna ymdrech ymrwymedig ar draws yr holl asiantaethau i gyfathrebu a gweithio ar y cyd i gadw pobl yn saff.

Nid yw byth yn bosib cael gwared yn gyfan gwbl â'r holl risgiau a berir gan droseddwyr difrifol. Fodd bynnag, beth allwch ddisgwyl yw bod pob cam rhesymol wedi'i gymryd i leihau'r risg o niwed difrifol i'r cyhoedd gan droseddwyr hysbys a'n bod yn hyrwyddo adsefydlu. Felly, mae'r adroddiad hwn yn cynnwys nid yn unig gwybodaeth ystadegol am y rhai hynny sydd wedi cael eu rheoli dan MAPPA yn ystod y flwyddyn busnes diwethaf, ond mae hefyd yn cynnwys gwybodaeth am sut mae'r trefniadau hyn yn gweithio'n ymarferol yn lleol.

Yn adroddiad blynyddol 2020/21, soniwyd am ddatblygiadau sylweddol yn dilyn adolygiad annibynnol o ddulliau rheoli unigolion sy'n gysylltiedig â gwrthderfysgaeth. Yn dilyn hynny, mi wnaeth y Gwasanaeth Prawf greu Adran Diogelwch Gwladol arbenigol, ymroddedig a medrus iawn sy'n darparu lefel uwch o reolaeth ac ymyrraeth ar gyfer yr unigolion mwyaf risg uchel, cymhleth ac uchel eu proffil yn y gymuned.

Yn ystod y flwyddyn fusnes diwethaf, mae Cydlynwyr MAPPA yng Nghymru wedi bod yn gysylltiedig ag ail ddylunio Hyfforddiant Cenedlaethol ar gyfer staff y Gwasanaeth Prawf. Mae nifer o newidiadau wedi'u gwneud i ganllawiau MAPPA hefyd sydd wedi arwain at gyflwyniad Fframwaith Polisi Lefel 1 MAPPA, pennod newydd ar Gamdriniaeth Ddomestig a Stelcian a chyflwyniad Categori 4 (Troseddwyr Terfysgol neu Droseddwyr sydd mewn Risg o gyflawni Troseddau Terfysgol). Croesawir y newidiadau hyn ac maent yn brawf o'r ymrwymiad parhaus i sicrhau diogelwch y cyhoedd. Mae'r staff yng Nghymru wedi ymateb ac maent yn parhau i gyfrannu at ymgynghoriadau cenedlaethol ar Ganllawiau MAPPA, er mwyn sicrhau bod yna gynrychiolaeth o Gymru sy'n dylanwadu ar benderfyniadau a newidiadau i bolisiâu MAPPA.

Mae llwyddiannau'r Bwrdd Rheoli Strategol yn adlewyrchu'r cyfraniadau sylweddol a wnaed gan yr holl asiantaethau sy'n ymwneud â MAPPA ledled Dyfed Powys, a hoffwn ddiolch i'n holl bartneriaid sydd wedi cyfrannu at y trefniadau hyn dros y flwyddyn ddiwethaf. Mae ehangder profiad ac arbenigedd aelodau MAPPA yn eithriadol, ac nid oes amheuaeth ynghylch lefel ymrwymiad asiantaethau i gyflawni'r safonau uchaf. Hyderwn hefyd bod yr adroddiad hwn yn dangos ymrwymiad a phroffesiynoldeb ein staff sy'n gwneud gwaith heriol a chymhleth sydd yn anaml iawn yn dod i sylw'r cyhoedd. Mae eu hymrwymiad yn hanfodol i sicrhau bod ein cymunedau yn aros yn ddiogel.

Wrth gyflwyno'r adroddiad hwn i chi, gobeithiwn ei fod yn darparu mewnwelediad gwerthfawr i'n gwaith a'i fod yn tawelu eich meddwl mai amddiffyn y cyhoedd ac anghenion dioddefwyr yw ein prif flaenoriaethau o hyd.

Nicola Davies,
Cyfarwyddwr Rhanbarthol Cymru
Y Gwasanaeth Prawf





Dr Richard Lewis
Prif Gwnstabl Heddlu Dyfed-Powys

Mae ugain mlynedd wedi mynd heibio ers i Drefniadau Amlasiantaethol ar gyfer Amddiffyn y Cyhoedd (MAPPA) gael eu cyflwyno, ac mae'r trefniadau hyn yn parhau i fod yn hanfodol i sicrhau bod gwybodaeth yn cael ei rhannu'n effeithiol a bod asiantaethau yn cydweithio i reoli ein unigolion mwyaf peryglus.

Fel Prif Gwnstabl, rwyf wedi gosod blaenoriaethau ar gyfer yr Heddlu; taclo cyflenwi cyffuriau, camdriniaeth ddomestig, treisio a throseddau rhywiol difrifol. Er pa mor bwysig ydyw ein bod yn canolbwyntio ar anghenion y dioddefwr, fe gydnabyddir bod rhaid i'n hymchwiliad hefyd roi sylw i'r troseddwr ac ystyried y risgiau ehangach o ran ei ymddygiad.

Mae trefniadau MAPPA yn darparu fframwaith ar gyfer galluogi asiantaethau i rannu gwybodaeth yn effeithiol ac adnabod gwreiddiau problemau sy'n sail i ymddygiad troseddwr a risgiau ymddygiad troseddu sy'n caniatáu i gynlluniau rheoli risg effeithiol gael eu rhoi mewn lle i amddiffyn ein cymunedau. Mae'r adroddiad blynyddol hwn yn rhoi sylw i'r gwaith sy'n cael ei wneud yn ardal Dyfed Powys a sut mae'r holl asiantaethau yn cydweithio er budd y pwrpas hwn.

Byddwn yn parhau i graffu ar effeithiolrwydd ein trefniadau a dysgu o'r cyd-arolygiad thematig o Drefniadau Amlasiantaethol ar gyfer Amddiffyn y Cyhoedd a gyhoeddwyd yn gynharach eleni. Rwy'n edrych ymlaen at y digwyddiadau hyfforddi sydd wedi'u trefnu eleni a fydd yn dod â phobl ynghyd unwaith eto a chryfhau ein perthnasau gwaith rhwng asiantaethau ymhellach.

Beth yw MAPPA?

Cefndir MAPPA

Cyfres o drefniadau yw MAPPA (Trefniadau Amlasiantaethol ar gyfer Amddiffyn y Cyhoedd) i reoli'r risg a gyflwynir gan y troseddwy'r rhyw, treisgar a therfysgol gwaethaf (troseddwy'r cymwys am MAPPA) o dan ddarpariaethau adrannau 325 i 327B Deddf Cyfiawnder Troseddol 2003.

Daw'r trefniadau â gwasanaethau'r Heddlu, y Gwasanaeth Prawf a'r Gwasanaeth Carchardai ym mhob un o'r 42 Ardal yng Nghymru a Lloegr at ei gilydd ac fe'i elwir yn Awdurdod Cyfrifol MAPPA.

Mae gan nifer o asiantaethau eraill Ddyletswydd i Gydweithredu (DTC) â'r Awdurdod Cyfrifol. Mae'r rhain yn cynnwys Gwasanaethau Cymdeithasol, Gwasanaethau Iechyd, Timau Troseddwy'r Ifanc, Yr Adran Gwaith a Phensiynau a'r Awdurdodau Addysg a Thai Lleol.

Mae'r Byrddau Rheoli Strategol (SMB) Lleol sy'n cynnwys uwch gynrychiolwyr o bob un o'r Awdurdodau Cyfrifol ac asiantaethau DTC yn gyfrifol am gyflwyno MAPPA yn eu hardaloedd. Mae'n ofynnol hefyd i'r Awdurdod Cyfrifol benodi dau Gyngorydd Lleyg i eistedd ar Fwrdd Rheoli Strategol pob ardal MAPPA.

Mae Cynghorwyr Lleyg yn aelodau o'r cyhoedd sydd heb unrhyw gysylltiad â'r gwaith o reoli troseddwy'r MAPPA, a benodir gan y Gweinidog. Maent yn gweithredu fel arsyllwyr annibynnol ond gwybodus, a gallant ofyn cwestiynau na fyddai staff proffesiynol sy'n gweithio yn y maes efallai'n meddwl eu gofyn. Maent hefyd yn cyfrannu eu dealltwriaeth a'u persbectif ar y gymuned leol (lle mae'n rhaid iddynt fod yn byw a bod â chysylltiadau cryf) i'r Bwrdd Rheoli Strategol.

Sut mae MAPPA yn gweithio?

Mae troseddwy'r cymwys am MAPPA yn cael eu hadnabod ac mae gwybodaeth amdanynt yn cael ei rhannu rhwng asiantaethau fel sail i asesiadau risg a chynlluniau rheoli risg y bobl sy'n eu rheoli neu eu goruchwyllo.

Dyna cyn belled ag y mae MAPPA yn mynd yn y rhan fwyaf o achosion. Ond, mewn rhai achosion, mae

angen mwy o reolaeth amlasiantaethol strwythuredig. Yn yr achosion hyn cynhelir cyfarfodydd MAPPA rheolaidd lle daw ymarferwyr o'r asiantaethau perthnasol ynghyd.

Mae tri chategori o droseddwy'r cymwys am MAPPA:

- **Categori 1** – troseddwy'r sy'n destun gofynion hysbysu troseddwy'r rhyw
- **Categori 2** – troseddwy'r treisgar yn bennaf sydd wedi eu dedfrydu i 12 mis neu fwy yn y carchar neu i orchymyn ysbyty; a
- **Categori 3** – troseddwy'r nad ydynt yn gymwys o dan Categori 1 na 2 ond sy'n peri risg o niwed difrifol ar y pryd.

Cafodd pedwerydd categori ar gyfer troseddwy'r terfysgol neu droseddwy'r sydd mewn risg o gyflawni troseddau terfysgol ei gyflwyno yn sgil Deddf yr Heddlu, Troseddu, Dedfrydu a'r Llysoedd 2022 ar ôl y cyfnod a gwmpesir yn yr adroddiad hwn.

Mae tair lefel o reolaeth i sicrhau bod adnoddau'n cael eu targedu lle mae fwyaf eu hangen; fel arfer yn ymwneud â risg uwch o niwed difrifol.

- **Lefel 1** yw ble mae'r asiantaeth arweiniol yn rheoli'r troseddwr ac yn rhannu gwybodaeth ac yn cael cefnogaeth gan asiantaethau eraill yn ôl yr angen, ond heb unrhyw gyfarfodydd MAPPA ffurfiol;
- **Lefel 2** yw lle mae angen cynnal cyfarfodydd MAPPA ffurfiol i reoli'r troseddwr;
- **Lefel 3** yw lle mae'r cynlluniau rheoli risg yn gofyn am bresenoldeb ac ymrwymiad adnoddau ar lefel uwch yng nghyfarfodydd MAPPA.

Cefnogir MAPPA gan ViSOR. System Technoleg Gwybodaeth genedlaethol yw hon i helpu i reoli troseddwy'r sy'n peri risg ddirifol o achosi niwed i'r cyhoedd. Mae defnyddio ViSOR yn ei gwneud yn haws rhannu gwybodaeth rhwng sefydliadau a throsglwyddo gwybodaeth allweddol yn ddiogel pan fydd troseddwy'r risg uchel yn symud, gan wella unrhyw fesurau amddiffyn y cyhoedd. Mae ViSOR yn golygu bod staff yr Heddlu, y Gwasanaeth Prawf a'r Gwasanaeth

Carchardai yn gallu gweithio ar yr un system TG am y tro cyntaf, gan wella ansawdd ac amseroldeb asesiadau risg ac ymyriadau i atal troseddu.

MAPPA a Therfysgaeth

Mi wnaeth y llywodraeth gyhoeddi Adolygiad Annibynnol o'r MAPPA a ddefnyddir i Oruchwylio Troseddwy'r Terfysgol a Throseddwy'r sydd mewn Risg o Gyflawni Troseddau Terfysgol ar yr 2il o Fedi 2022 a chyhoeddodd ymateb iddo ar y 9fed o Ragfyr. Mae'r ddwy ddogfen ar gael yn <https://www.gov.uk/government/publications/multi-agency-public-protection-arrangements-review>. Mi wnaeth yr adroddiad gyflwyno nifer o argymhellion, ac mae nifer ohonynt wedi'u gweithredu drwy Ddeddf Gwrthderfysgaeth a Dedfrydu 2021 a Deddf yr Heddlu, Troseddu, Dedfrydu a'r Llysoedd 2022. Mae'r Ysgrifennydd Gwladol hefyd wedi ail-edrych ar y

Canllawiau MAPPA statudol ar gyfer troseddwy'r terfysgol.

Mae'r Gwasanaeth Prawf, drwy ei Adran Diogelwch Gwladol, wedi sefydlu gweithlu arbenigol, ymroddedig a medrus iawn sy'n darparu lefel uwch o reolaeth ac ymyrraeth ar gyfer y troseddwy'r mwyaf risg uchel, cymhleth ac uchel eu proffil yn y gymuned. Mae hyn yn cynnwys rheoli troseddwy'r sy'n gysylltiedig â therfysgaeth a throseddwy'r sy'n peri risg o derfysgaeth. Mae'r NSD a Phlisma Gwrthderfysgaeth yn gweithio'n agos â Byrddau Rheoli Strategol lleol i sicrhau bod achosion o derfysgaeth yn cael eu rheoli'n gadarn.

Cyhoeddir pob adroddiad MAPPA o Gymru a Lloegr ar-lein yn: www.gov.uk

Ystadegau MAPPA

Troseddwr cymwys am MAPPA ar 31 Mawrth 2022

	Categori 1: Troseddwr rhyw cofrestredig	Categori 2: Troseddwr treisgar	Categori 3: Troseddwr peryglus eraill	Cyfanswm
Lefel 1	582	118	-	700
Lefel 2	4	3	9	16
Lefel 3	1	0	0	1
Cyfanswm	587	121	9	717

Troseddwr cymwys am MAPPA yn Lefel 2 a 3 yn ôl categori (cyfanswm blynyddol)

	Categori 1: Troseddwr rhyw cofrestredig	Categori 2: Troseddwr treisgar	Categori 3: Troseddwr peryglus eraill	Cyfanswm
Lefel 2	21	11	29	61
Lefel 3	5	0	1	6
Cyfanswm	26	11	30	67

Troseddwr rhyw cofrestredig (RSO) a gafodd rybudd neu euogfarn am dorri gofynion hysbysu	13
---	----

Troseddwr RSO lle penderfynwyd diddymu eu gofyniad hysbysu gydol oes yn dilyn gwneud cais	5
--	---

Gorchmynion cyfyngu ar gyfer troseddwr Categori 1

Gorchmynion Atal Niwed Rhywiol (SHPO), Gorchmynion SHPO gyda chyfyngiad ar fynd dramor a Gorchmynion Hysbysu (NO) a osodwyd gan y llysoedd	
SHPO	69
SHPO gyda chyfyngiad ar fynd dramor	0
NO	0

Nifer y bobl a ddaeth yn destun gofynion hysbysu yn dilyn torri Gorchymyn Risg Rhywiol (SRO)	0
---	---

Troseddwy'r Lefel 2 a 3 wedi eu dychwelyd i'r carchar

	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Torri Amodau Trwydded				
Lefel 2	6	5	6	17
Lefel 3	0	0	0	0
Cyfanswm	6	5	6	17
Torri Gorchymyn Atal Troseddau Rhyw (SOPO)				
Lefel 2	1	-	-	1
Lefel 3	1	-	-	1
Cyfanswm	2	-	-	2

Cyfanswm Troseddwy'r Rhyw Cofrestredig am bob 100,000 o bobl	126
---	-----

Mae'r ffigur hwn wedi'i gyfrifo gan ddefnyddio amcangyfrifon poblogaeth cyfrifiad 21 Mawrth 2021, a gyhoeddwyd gan y Swyddfa Ystadegau Gwladol ar 28 Mehefin 2022, ac eithrio'r rhai hynny sydd dan ddeg oed.

Yn y gorffennol, rydym wedi seilio'r ffigur hwn ar amcangyfrif o'r boblogaeth canol y flwyddyn (30 Mehefin). Fel y cyfryw, gallai'r ffigur cyfredol fod yn wahanol i'r ffigur cyfatebol sy'n seiliedig ar amcangyfrif o'r boblogaeth breswyl canol 2021, a fydd yn cael ei gyhoeddi gan y Swyddfa Ystadegau Gwladol yn hwyrach eleni.

Sylwebaeth esboniadol ar y tablau ystadegol

Cefndir MAPPA

Mae cyfanswm y troseddwr cymwys am MAPPA, yn ôl categori, yn adlewyrchu'r darlun fel yr oedd ar 31 Mawrth 2022 (h.y. ciplun ydyw). Mae gweddill y data'n ymwneud â'r cyfnod rhwng 1 Ebrill 2021 a 31 Mawrth 2022.

(a) Troseddwr cymwys am MAPPA – mae yna nifer o droseddwr a ddiffinnir o dan y gyfraith fel rhai sy'n gymwys am reolaeth MAPPA, oherwydd eu bod wedi cyflawni troseddau rhyw a threisgar penodol neu oherwydd eu bod ar y pryd yn peri risg o niwed difrifol, er bod y rhan fwyaf yn cael eu rheoli o dan drefniadau Lefel 1 heb gyfarfodydd MAPPA ffurfiol. Mae'r ffigurau hyn yn cynnwys dim ond y troseddwr cymwys am MAPPA sy'n byw yn y gymuned. Nid ydynt yn cynnwys rhai sydd yn y carchar neu dan glo o dan y Ddeddf Iechyd Meddwl.

(b) Troseddwr sy'n destun Gofynion Hysbysu Troseddwr Rhyw – sef y rhai sydd angen hysbysu'r heddlu ynghylch eu henw, cyfeiriad a manylion personol eraill a rhoi gwybod am unrhyw newidiadau sy'n digwydd wedyn (sef y "gofyniad hysbysu"). Mae'r troseddwr hyn yn cael eu hasesu a'u rheoli gan yr heddlu. Mae'n bosib eu bod hefyd yn cael eu rheoli gan y gwasanaeth prawf neu'r gwasanaethau iechyd os ydynt yn destun trwydded neu orchymyn ysbyty. Mae methu â chydymffurfio â'r gofyniad hysbysu'n drosedd a gall arwain at uchafswm cosb o 5 mlynedd yn y carchar.

(c) Troseddwr Treisgar – mae'r categori hwn yn cynnwys troseddwr treisgar a therfysgol a ddedfrydwyd i garchar neu i'w cadw dan glo am 12 mis neu fwy, neu i'w cadw o dan orchymyn ysbyty. Mae hefyd yn cynnwys nifer fach o droseddwr rhyw nad ydynt yn destun gofynion hysbysu. Mae'r troseddwr hyn yn cael eu hasesu a'u rheoli gan y Gwasanaeth Prawf, y Tîm Troseddwr Ifanc neu gan Wasanaethau Iechyd Meddwl.

(ch) Troseddwr Peryglus Eraill – troseddwr nad ydynt yn gymwys o dan y ddau gategori cymwys am MAPPA arall, ond sy'n peri risg o niwed difrifol ar y

pryd sydd angen ei reoli drwy gyfarfodydd MAPPA. Mae'r troseddwr hyn yn cael eu hasesu a'u rheoli gan ba un bynnag asiantaeth sydd â'r prif gyfrifoldeb drostynt.

(d) Torri Trwydded – bydd troseddwr sy'n cael eu rhyddhau i'r gymuned ar ôl cyfnod yn y carchar yn cael eu rhoi ar drwydded gydag amodau (o dan oruchwyliaeth y gwasanaeth prawf). Os na fydd y troseddwr yn cydymffurfio â'r amodau hyn, bydd y Gwasanaeth Prawf yn cymryd camau tor-amod a gallai'r troseddwr gael ei alw'n ôl i'r carchar.

(dd) Gorchymyn Atal Niwed Rhywiol (SHPO) (gan gynnwys unrhyw gyfyngiad ychwanegol ar fynd dramor) - mae Gorchymynion Atal Niwed Rhywiol (SHPO) a Gorchymynion SHPO interim wedi cymryd lle'r hen Orchymynion Atal Troseddau Rhywiol. Eu pwrpas yw amddiffyn y cyhoedd rhag troseddwr a gafwyd yn euog o drosedd rhywiol neu dreisgar, ac sy'n peri risg o niwed rhywiol i'r cyhoedd, drwy osod cyfyngiadau a/neu gofynion ar eu hymddygiad. Maent yn gofyn bod y troseddwr yn rhoi eu manylion i'r heddlu (yn unol â Rhan 2 Deddf 2003) drwy gydol cyfnod y gorchymyn.

Rhaid i'r llyso fod yn fodlon, ar ôl pwyso a mesur, bod angen y gorchymyn i amddiffyn y cyhoedd (neu unrhyw aelodau penodol o'r cyhoedd) yn y DU, neu blant neu oedolion bregus (neu unrhyw blant neu oedolion bregus penodol) dramor, rhag niwed rhywiol gan y troseddwr. Yn achos gorchymyn a wneir ar gais annibynnol gan Brif Gwnstabl, Yr Asiantaeth Troseddau Cenedlaethol (NCA), Yr Heddlu Trafnidiaeth Prydeinig (BTP) neu Heddlu'r Weinyddiaeth Amddiffyn (MODP), rhaid i'r Prif Gwnstabl/NCA/BTP/MODP allu dangos bod y troseddwr wedi ymddwyn yn y fath fodd ers ei gael yn euog fel bod angen gwneud y gorchymyn.

Y cyfnod lleiaf ar gyfer gorchymyn llawn yw pum mlynedd. Yr isafswm oed yw 10, sef oed cyfrifoldeb troseddol, ond pan fydd y diffynnydd o dan 18 oed, dylid ond ystyried cais am orchymyn mewn amgylchiadau eithriadol.

(e) Gorchymyn Hysbysu - mae'n rhaid i unigolion a gafwyd yn euog o gyflawni troseddau rhywiol cymwys dramor gofrestru â'r heddlu er mwyn amddiffyn y cyhoedd yn y DU rhag y risg a gyflwynir ganddynt. Gall yr heddlu yng Nghymru a Lloegr gyflwyno gorchymyn hysbysu i droseddwr sydd eisoes yn y DU neu sy'n bwriadu dod i'r DU, a rhaid iddo/i hysbysu'r heddlu am ei fanylion o fewn tridiau i'w gael. Mae gan droseddwr hawl i apelio yn erbyn hysbysiad.

(f) Gorchymyn Risg Rhywiol (gan gynnwys unrhyw gyfyngiad ychwanegol ar fynd dramor) - mae'r Gorchymyn Risg Rhywiol (SRO) wedi disodli'r Gorchymyn Risg o Niwed Rhywiol (RoSHO) a gallai gael ei wneud ar gyfer unigolyn sydd heb ei gael yn euog o drosedd rywiol neu dreisgar (nac unrhyw drosedd arall) ond sy'n peri risg o niwed rhywiol.

Gellir gwneud y SRO mewn llys ynadon ar gais yr heddlu, NCA, BTP neu MODP pan fydd unigolyn wedi cyflawni gweithred o natur rywiol ac y mae'r llys yn fodlon bod yr unigolyn yn peri risg o niwed i'r cyhoedd yn y DU neu i blant neu oedolion bregus dramor.

Gall SRO wahardd yr unigolyn rhag gwneud rhywbeth a ddisgrifir yn y gorchymyn, gan gynnwys mynd dramor, neu gall osod gofynion ar ei ymddygiad. Rhaid i unrhyw waharddiad a/neu rwymedigaeth fod yn angenrheidiol i amddiffyn y cyhoedd yn y DU rhag niwed rhywiol, neu yng nghyswllt mynd dramor, amddiffyn plant neu oedolion bregus rhag niwed rhywiol.

Mae'n ofynnol i unigolyn gyda SRO hysbysu'r heddlu ynghylch ei enw a'i gyfeiriad cartref o fewn tridiau i orchymyn gael ei wneud a hefyd rhoi gwybod am unrhyw newidiadau i'r wybodaeth hon o fewn tridiau.

Gall SRO bara am ddwy flynedd o leiaf ond heb unrhyw uchafswm, ac eithrio unrhyw gyfyngiadau ar fynd dramor sy'n gallu, lle mae'n berthnasol, bara am bum mlynedd ar y mwyaf (ond gall gael ei adnewyddu).

Mae'r safon droseddol o brawf yn parhau i fod yn berthnasol. Gall yr unigolyn sy'n destun y gorchymyn apelio yn ei erbyn a gall yr heddlu neu'r unigolyn dan sylw wneud cais i amrywio, adnewyddu neu ddi-ddymu'r gorchymyn.

Mae torri SRO yn drosedd, ac o wneud hyn gellir anfon unigolyn i'r carchar am hyd at bum mlynedd. Pan fydd unigolyn yn torri ei SRO, bydd yn dod yn destun gofynion hysbysu llawn.

Erbyn hyn mae manylion unigolyn gyda SRO yn cael eu cofnodi ar VISOR fel Person Peryglus Posib (PDP).

(ff) Diddymu gofynion hysbysu gydol oes drwy wneud cais -

mae her gyfreithiol yn 2010 ac ymateb deddfwriaethol o ganlyniad yn golygu bod trefniadau bellach mewn lle sy'n caniatáu i unigolion cymwys wneud cais am adolygiad o'u gofynion hysbysu. Ni fydd unigolion yn cael eu tynnu oddi ar y gofrestr yn awtomatig. Gall troseddwr cymwys gyflwyno cais i'r heddlu i adolygu eu gofynion hysbysu penagored. Bydd yr heddlu yn adolygu'r cais ac yn penderfynu a ddylid dileu'r gofynion hysbysu ai peidio. Uwcharolygydd fydd yn gwneud y penderfyniad hwn. Bydd y rhai sy'n parhau i beri risg sylweddol yn aros ar y gofrestr trwy gydol eu hoes, os bydd angen.

Bydd unigolion gyda gofynion hysbysu penagored ond yn dod yn gymwys i ofyn am adolygiad ar ôl bod yn destun gofynion hysbysu penagored am o leiaf 15 mlynedd yn achos oedolion, ac 8 mlynedd yn achos troseddwr ifanc. Daeth hyn i rym ar 1 Medi 2012 ar gyfer troseddwr sy'n oedolion.

Tudalen leol

Datganiad ar y cyd gan Fwrdd Rheoli Strategol (SMB) MAPPA Dyfed Powys: HMPPS ac Arweinwyr yr Heddlu:

Steve Cockwell, Prif Gwnstabl Cynorthwyol Heddlu Dyfed Powys
Christine Harley, Pennaeth Uned Gyflawni'r Gwasanaeth Prawf - Dyfed-Powys
Brian Ward, Llywodraethwr, CEM Abertawe

Mae'r flwyddyn ddiwethaf wedi bod yn flwyddyn heriol ond positif i MAPPA Dyfed Powys, yn sgil datblygiadau mewn rhai prif feysydd megis:

- mewnosod prosesau MAPPA Lefel 1 yng ngwaith y Gwasanaeth Prawf, yr Heddlu ac Awdurdodau Iechyd yn ardal Dyfed Powys
- sefydlu Categori 4 MAPPA ar gyfer rheoli troseddwy'r terfysgol a threfniadau'r Adran Diogelwch Gwladol
- darparu hyfforddiant asesu risg arbenigol i ymarferwyr amlasiantaeth sy'n rheoli troseddwy'r rhywiol sydd ag anawsterau dysgu.

Yn genedlaethol, mae cyflwyniad y ddogfen trothwy; Fframwaith Polisi Lefel 1 Y Gwasanaeth Prawf; a Chanllawiau diwygiedig MAPPA, yn adnoddau defnyddiol i gefnogi arferion lleol a galluogi prosesau sgrinio MAPPA L2/3 effeithiol ac alinio blaenoriaethau strategol; gan gynnwys y Bennod ar Gamdriniaeth Ddomestig a Stelcian sy'n tanlinellu pwysigrwydd ystyried hyn wrth reoli unigolion sydd mewn risg uchel/uchel iawn o gyflawni niwed difrifol, camdriniaeth ddomestig a stelcian o dan Categori 3 MAPPA.

Yn ardal Dyfed Powys mae ymarferwyr a Chynghorwyr Lleyg wedi cyfrannu at grwpiau ffocws ac ymgynghoriadau gan Dîm Cenedlaethol MAPPA a Phrosiect Ymchwil MAPPA sy'n cael ei gynnal gan Brifysgol Angela Ruskin a PIERS. Dros y flwyddyn ddiwethaf mae ein cydweithwyr yn Heddlu Dyfed Powys a'r Gwasanaeth Prawf wedi cefnogi Bwrdd Rheoli Strategol ardal arall i baratoi Adroddiad Adolygu Achosion Difrifol MAPPA.

Cafodd Cyd-arolygiad Thematig o MAPPA ei gyhoeddi ar 14 Gorffennaf 2022 *[20 mlynedd yn ddiweddarach, ydy MAPPA yn cyflawni ei amcanion?]* ac yng nghyfarfodydd nesaf Bwrdd Rheoli Strategol (SMB) MAPPA Dyfed Powys fe ganolbwyntir ar y darganfyddiadau a'r argymhellion, yn ogystal â'r Cynllun Gweithredu Cenedlaethol i ystyried a gweithredu newidiadau yn lleol i gryfhau arferion MAPPA ymhellach yn y dyfodol.

Bydd yna gyfleoedd yn ystod y flwyddyn sydd i ddod i gyfarfod cydweithwyr wyneb yn wyneb mewn digwyddiadau hyfforddi i hyrwyddo gwaith MAPPA gydag asiantaethau ar draws ardal Dyfed Powys, a mewnosod y blaenoriaethau ymarfer hyn. Mae'r gwaith partneriaeth wastad wedi bod yn rhan allweddol o waith MAPPA a bydd y digwyddiadau hyn yn gyfle amlasiantaethol i wella rheolaeth MAPPA yn bob un o'r pedair ardal yng Nghymru.

Ditectif Uwcharolygydd Jayne Butler, Heddlu Dyfed Powys:

Fel un o'r partneriaid statudol, mae Heddlu Dyfed Powys wedi ymrwmo i gyflawni ei gyfrifoldebau dan Ddeddf Cyfiawnder Troseddol 2003 ar y cyd â'n partneriaid.

Er gwaethaf cynnydd disgwylidig mewn troseddwy'r MAPPA, mae Heddlu Dyfed Powys wedi dynodi adnoddau ychwanegol i ymateb i'r galw cynyddol hwn. Yn Archwiliad HMICFRS yn 2021 ystyriwyd bod ein ymateb yn ddigonol, ond rydym wastad yn ceisio gwella'r gwasanaethau a ddarperir gennym, a fydd yn ei dro yn cael effaith ar ein amcan i gadw ein cymunedau'n saff. Prawf o hyn oedd cyflwyno proses Lefel 1 MAPPA yn yr Heddlu, ynghyd â fframwaith archwilio rheolaidd.

Mae timau plismona pob sir yn cefnogi'r swyddogion rheoli troseddwy'r rhyw a threisgar (MOSOVO) yn eu gwaith i reoli troseddwy'r er mwyn sicrhau eu bod yn cydymffurfio â gorchmynion cyfyngu, ac mae timau

plismona yn y gymdogaeth yn chwarae rhan bwysig yn y gwaith o gefnogi gwaith staff arbenigol o bob asiantaeth yn MAPPA. Mae hyn wedi arwain at nifer o ganlyniadau llwyddiannus, a hynny o ran atal troseddwr rhag cyflawni trosedd arall a hefyd adnabod a thaclo toriadau i orchmynion atal a gofynion hysbysu.

Rydym yn parhau i chwilio am ffyrdd mwy creadigol i reoli troseddwr, ac yn benodol adnabod ffyrdd i ddefnyddio ein adnoddau digidol. Mae ein timau rheoli troseddwr ymroddedig yn gweithio'n agos â phartneriaid i sicrhau y defnyddir dulliau holistaidd wrth reoli troseddwr, ac yn ystod y flwyddyn rydym wedi cydweithio i gynnal adolygiadau achos difrifol.

Rydym hefyd yn chwarae rhan allweddol yn y gwaith o hwyluso a chefnogi hyfforddiant amlasiantaethol ar draws yr ardal, gan ddarparu cyfleoedd gwych i wella perthnasau proffesiynol a'n gwybodaeth am rolau ein partneriaid.

Cynghorwyr Lleyg, Bwrdd Rheoli Strategol (SMB) MAPPA:

Caiff Cynghorwyr Lleyg eu penodi i helpu i adolygu effeithiolrwydd trefniadau MAPPA, ac mae yna ddau gynghorydd yn ardal Dyfed Powys. Rydym yn aelodau llawn o'r Bwrdd Rheoli Strategol (SMB) a gallwn herio gwaith MAPPA drwy weithredu fel "Cyfaill Critigol", gan ddod â phersbectif a dealltwriaeth wahanol i'r trefniadau. Yn ddaearyddol rydym hefyd mewn lleoliad da i allu darparu presenoldeb ym mhob un o ardaloedd MAPPA yng Nghymru.

Fel Cynghorwyr Lleyg, cafodd ein mewnbwn yn ystod y flwyddyn ei gynnal gan ddefnyddio llwyfannau rhithiol, ac roeddem yn gallu parhau i ychwanegu gwerth at drefniadau gweithredol a strategol MAPPA yn y rhanbarth drwy:

- Fynychu cyfarfodydd Bwrdd Rheoli Strategol MAPPA, rhoi adborth ar ein profiadau, cymryd rhan mewn trafodaethau a herio fel y bo'n briodol
- Mynychu Cyfarfodydd MAPPA Lefel 1, 2 a 3 ar draws y rhanbarth
- Mynychu cyfarfodydd y Grŵp Gweithredol i helpu i fonitro perfformiad yn erbyn Amcanion y Cynllun Busnes a chyfrannu at ddatrys problemau ar faterion allweddol, fel llety
- Cymryd rhan mewn digwyddiadau Sicrhau Ansawdd i asesu effeithiolrwydd prosesau gwneud penderfyniadau MAPPA a chofnodion cyfarfodydd
- Mynychu digwyddiadau hyfforddi
- Rhoi barn ar ddatblygiad Strategaeth Cyfathrebu MAPPA yn yr ardal
- Bod yn rhan o Brosiect Ymchwil Cenedlaethol MAPPA
- Rhoi adborth cyffredinol i Gydlynnydd MAPPA.

Roedd y prif heriau a nodwyd drwy ein hymgysylltiad yn cynnwys:

- Cynnydd yn y llwyth gwaith wrth i fwy o achosion Camdriniaeth Ddomestig ddod yn rhan o waith MAPPA
- Yr angen i gynyddu a chynnal ymwybyddiaeth o'r gwaith sy'n cael ei wneud gan MAPPA yn y gymuned i roi hyder i'r cyhoedd ynghylch y ffordd y mae troseddwr risg uchel yn cael eu rheoli
- Diffyg llety ar draws yr ardal i ddarparu cartrefi saff a chynaliadwy i droseddwr
- Nifer cyfyngedig o Adeiladau Cymeradwy yng Nghymru i droseddwr gwrywaidd a diffyg Adeiladau Cymeradwy i droseddwr benywaidd. Mae Adeiladau Cymeradwy yn bwysig wrth geisio ailsefydlu troseddwr yn y gymuned, a'r gobaith ydi y bydd hyn yn cael ei ystyried ac yn cael sylw dyladwy yn y Strategaeth Llety Cenedlaethol
- Gall y gwahaniaethau yn y trefniadau ariannu rhwng lechyd a Gofal Cymdeithasol effeithio o bosibl ar gynlluniau rheoli risg, yn ogystal â'r gwahaniaethau rhwng gofynion MAPPA a'r fframwaith cyfreithiol o fewn y Ddeddf Gofal Cymdeithasol a Llesiant.

Rydym hefyd wedi adnabod rhai arferion da a phositif:

- Yn gyffredinol, mae perthynas waith yr awdurdodau cyfrifol â'r Adeiladau Cymeradwy wedi bod yn ardderchog
- Yn dilyn pandemig COVID-19, mae rhyngweithiadau wyneb yn wyneb gyda throseddwr yn dychwelyd i'r hyn yr oeddynt
- Mae gwybodaeth yn cael ei rhannu rhwng asiantaethau i ddatblygu cynlluniau rheoli risg cadarn

- Gwaith da rhwng yr Heddlu a'r Gwasanaeth Prawf pan fydd troseddwr yn dod i ddiwedd ei gyfnod Goruchwylio ar ôl Dedfryd
- Enghreifftiau da o weithio ar draws ffiniau i gryfhau cynlluniau rheoli risg.

Yr Adran Diogelwch Gwladol

Cafodd yr Adran Diogelwch Gwladol (NSD) ei sefydlu bron i 2 flynedd yn ôl bellach. Mae'n adran o fewn y Gwasanaeth Prawf sy'n darparu gwell rheolaeth o achosion ac ymyrraeth ar gyfer troseddwr sy'n oedolion sydd fwyaf cymhleth, sy'n peri'r risg mwyaf ac sydd â phroffil uchel yn y gymuned. Mae'r adran yn darparu gallu canolog a phwrpasol o fewn y Gwasanaeth Prawf ar gyfer y carfannau canlynol o droseddwr sy'n oedolion:

- Troseddwr a gafwyd yn euog o dan y Ddeddf Terfysgaeth/neu a oedd yn gysylltiedig â'r Ddeddf Terfysgaeth
- Troseddwr risg terfysgol sy'n cyflwyno bygythiad diogelwch cenedlaethol
- Troseddwr Troseddau Trefnedig Difrifol sy'n peri'r risg/niwed mwyaf y mae angen gwell rheolaeth arnynt; a
- Nifer o achosion CPPC cofrestredig, sef y troseddwr rhyw neu dreisgar risg uchaf/proffil uchaf sydd o ddiddordeb cenedlaethol.

Caiff troseddwr achosion NSD eu rheoli yn yr ardal ble maent yn byw oherwydd yn y mwyafrif o achosion dyna ble mae'r risg yn bodoli. Byddwn hefyd wrth gwrs mewn cysylltiad ag ardaloedd eraill y mae gan y troseddwr gysylltiad â nhw wrth gynnal trafodaethau MAPPA. Mae cydgysylltiad rhwng NSD ac Unedau Cyflawni Prawf yn sicrhau cysylltiadau cryf â rhanddeiliaid lleol, gan gynnwys gwasanaethau iechyd, tai a gwasanaethau adsefydlu lleol. Mae unedau NSD yn cynnwys seicolegwyr fforensig pwrpasol i gefnogi agwedd sy'n wybodus yn seicolegol at reoli risg ac archwilwyr polygraff, i ddarparu gwell monitro o gydymffurfiaeth ag amodau trwydded.

Mae'r NSD yn parhau i weithio gyda thîm cenedlaethol MAPPA, swyddogion heddlu gwrthderfysgaeth a gyda'r Byrddau Rheoli Strategol. Rydym wedi mewnosod yr argymhellion a wnaed yn adolygiad Jonathan Hall 2022 o MAPPA ar gyfer troseddwr terfysgol. Mae'r rhain yn cynnwys panelau MAPPA i adolygu achosion eithafwyr sy'n cynnwys staff yr heddlu, y gwasanaeth prawf a'r carchardai sy'n arbenigo mewn gwaith gwrthderfysgaeth, ond hefyd mae'n hanfodol bod y panelau yn cynnwys aelodau o asiantaethau lleol allweddol. Bydd panelau MAPPA yn cyfarwyddo defnydd cynyddol o grwpiau craidd MAPPA gan sicrhau bod y gwaith a wneir gydag achosion unigol yn gydlynol ac yn ymatebol.

Mae'r NSD wedi ymrwmo i weithio mewn partneriaeth â Byrddau Rheoli Strategol i sicrhau trefniadau MAPPA o ansawdd uchel. Bydd y Panelau MAPPA arbenigol yn darparu gwybodaeth am ddangosyddion perfformiad allweddol i Fyrddau Rheoli strategol a byddant hefyd yn cymryd rhan mewn hyfforddiant, gwaith archwilio a gweithgareddau arsylwi. Bydd unedau NSD yn adrodd yn ffurfiol i Fyrddau Rheoli Strategol yn rheolaidd, o leiaf bob blwyddyn.

Bydd NSD yn gweithio'n agos â phartneriaid allweddol a rhanddeiliaid ac yn sicrhau bod ein datblygiadau wedi'u halinio â newidiadau ehangach yn y tirwedd diogelwch cenedlaethol.

Cyhoeddir pob adroddiad MAPPA o Gymru a Lloegr ar-lein yn:

www.gov.uk

Probation
Service




**HM PRISON
SERVICE**



Heddlu Police

DYFED-POWYS